

Materiale. 1 Krudaĵoj el kiuj oni povas produkti fabrikaĵojn : *brula ~o ; konstru-~o*. 2 Ĉio, kio estas necesa por funkciado de entrepreno, ekspluatado, ofico ke : *~o de muelejo, de seĝejo, de panfarejo*. 3 Ĉio materia, kio estas necesa por iu ajn ago : *manĝ-~oj Z*. 4 Ĉiuspecaj sciigoj, kiuj estas necesaj por verki libron, raporton ke aŭ por fari spiritan laboron : *la libro prezentos sufiĉe da ~o por legi Z ; ĉerpi ~on el ies verko B ; ~o por raporto ; tio donas ~on por pripensado Z*. **~a.** 1 Rilata al ~o. 2 Perceptebla por la sentumoj, videbla k palpebla, fakta, praktika, precipe mona : *~a pruvo ; se mi havus la ~an ebilon, mi prenus Z ; gravan forton ~an la ligo alportas al nia afero Z ; sen rimedoĵ ~aj ĉia afero povas progresi nur tre malrapide Z ; ~a mastro de Esp-o estas la tuta mondo Z ; subteni ~e la aferon Z ; ~a profito, malhelpo Z, privilegio Z ; la ~a vivo ; realigi kelkajn ~ajn plibonigojn ; tio certigas al li la ~an sendependecon*. **~ismo Z.** 1 \S Doktrino, laŭ kiu la materio estas la principo de ĉio en la universo. 2 Kondutmaniero celanta en la vivo nur plezuron k ~ajn profitojn. **Historia ~ismo.** Doktrino, laŭ kiu nur la ekonomiaj faktoj regas la tuton de la socia, politika k spirita vivo.

***Matraco.** Granda plata remburita litkuseno.

matrico Z. 1 \odot Gravurita metala bulo, peco aŭ muldilo, per kiu oni povas fabriki similajn pecojn per fandado, frapo, giso, premo : *monerojn oni frapas per ~o*. 2 (Ti) Formo por gisi litertipojn. 3 Kartona formo preme reproduktita de kompostajo k per kiu oni povas gisi stereotipojn. 4 (en galvanoplastiko) Formo, kiu kovriĝas per maldika tavolo de metalo. Vd PATRICO, UTERO.

matrikulo Z. Numero de la listo en kiu estas enskribitaj ĉiuj anoj de societo, organizo, administracio.

matrono Z. 1 Nobela patrino en antikva Romo. 2 Maturaĝa, alte respektinda sinjorino.

***Matura.** 1 Atinginta sian planan kreskadon, forton, kapablon aŭ taŭgecon : *~a frukto, semo, homo, aĝo Z, spirito, talento*. 2 (f) Plene esplorita, provita, finstudita : *~a projekto, diskutado Z ; ne~a demando ; ~e pripensita k orde voĉdonita decido Z*.

~eco. Stato de io aŭ iu ~a : *atesto pri ~eco* (diplomo donata al lernantoj, kiuj, fininte la gimnazian kursaron, sukcese plenumis la koncernan ekzamenon. Kp ABITURIENTO). **~iĝi.** lĝi ~a : *~iĝanta* (viriganta) *knabo : (f) lia talento plene ~iĝis ; (f) la demando ne estas sufiĉe ~iĝinta Z*.

Maŭzoleo. Luksa tomba konstruo.

Mazurko. Speco de pola danco.

***Meblo.** Movebla objekto, plej ofte farita el ligno k servanta por praktika aŭ ornama uzo en loĝejo. **~i** (tr). Provizi je ~oj. **~isto.** Tiu, kiu faras tablojn, seĝojn, ŝrankojn, litojn ks.

mecenato Z. Riĉa malavara favoranto de beleto, arto aŭ scienco.

***Meĉo.** 1 Speco de ŝnuro el brulebla k sorba materio, kiun oni metas en lampon aŭ en mezon de kandelero por konduki bruligotan substancon ĝis la flamo. 2 Speco de ŝnuro preparita por konduki fajron ĝis substanco, kiun oni volas eksplodigi de malproksime.

***Medalo.** Metala disketo surhavana ambaŭflanke bildon, signojn aŭ surskribojn, stampita kiel memoraĵo pri grava okazintaĵo aŭ kiel honoraĵo al merita homo (Kp ORDENO. Vd FLANKO I).

***Medallono.** 1 Juveto en formo de plata malfermebla skatoleteto, ordinare portata per ĉeno ĉe la kolo k en kiu oni konservas portreton, harojn ke. 2 \clubsuit Rondforma aŭ ovala bareliefo kun figuraĵo.

Medio. 1 Fizika ĉirkaŭaĵo en kiu vivas iu estaĵo aŭ okazas iu fenomeno : *ĉiu vivanta estaĵo nepre devas sin adapti al sia ~o ; ~o favora por la mikroboj*. 2 Tuto de la sociaj cirkonstancoj k rilatoj en kiuj iu persono agadas : *familia, politika, intelekta ~o* (Kp SFERO, ATMOSFERO, RONDO, KAMPO, REGIONO, INTERILATO, MEZO. Vd ELEMENTO).

mediano Δ . Rekta linio, kiu ligas verticon de triangulo kun la mezo de la opozita latero.

Medicino. Scienco pri sano k malsano, aplikata al kuracado. **~aĵo Z.** Medikamento.

medikago \mathfrak{M} . Furaĝa herbo el la fam. de legumenacoj (*medicago sativa*). Vd LUZERNO.